

Date – 12/07/2025
Time - 7:30 -7:40Hrs
AKASHVANI AIZAWL

REGIONAL NEWS BULLETIN

HEADLINES (MORNING)

1. Education Minister Dr Vanlalthlanan zirtirtute zingah insawn hreh avanga khawtlang emaw pawl thenkhat pun a, sorkar kar tir chiam an hriat te lakah na taka action lak ani dawn a ti.
2. Mizoram Universal Health Care Scheme chungchanga Mizoram sawrkar leh Private Hospital te inremlohna sukiang turin Central YMA hrulaituten Health Minister Pi Lalrinpuui an hmu.
3. Nimin khan Chhatisgarh-a Narayanpur district-ah Maoist hel 22 chu sawrkar kutah an inpe
4. Defence Research and Development Organisation (DRDO) leh Indian Air Force te chuan tualchhung siam Astra missile hlawhtling takin an enchhin

<><><>

EDUCATION MINISTER PRESS CONF

Education Minister Dr Vanlalthlanan zirtirtute zingah insawn hreh avanga khawtlang emaw pawl thenkhat pun a, sorkar kar tir chiam an awm tih hriat a nih thu leh heng mite lakah hian na taka action lak ani dawn a ti.

Education Minister hian a pisa-ah thuhar lakhawmtute kawmin Zirtirtu, SDEO leh DEO Transfer order tihchhuah anih chungchangah an hmalakna a sawi a, zirtirtu posting siamrem apianga khawtlang anga hmalak a, dodalna a awm thin chu pawl a tih thu a sawi a, khawtlang leh pawl thenkhatte pawh an khaw sikul zirtirtu dinhmun leh sorkar hmalakna lo ngaichang leh zual turin a ngen a ni.

Minister chuan, zirtirtu inkhairual loh avanga zirna in a tawrh nasat em avangin a kilkhawr bera awmte nat ruala na ve an nih avangin inkhairual dan tur ngaihtuahin siamrem mek a nih thu leh zirnain-a zirtirtu indaih lohna chu zawi zawia a reh thuai a beisei thu a sawi a, hmun tam taka zirtirtute sawn an nih in zir lai pawl leh NGO ten an khaw sikul-a zirtirtute dinhmun sawi duh lovin hma an la leh mai thin a ti a, sorkar chuan mi awm hle hle lai awmze nei lovin a sawn ngai lo ti sawiin, transfer dilna ni tin dawn thin a ni a, awm an tih pui leh an sikul kalsanin tuar lo tura an ngaihte chauh an sawn a, an sikul kalsanin a tuar dawna an hriatin a hnawh khahna tur an zawn tel ziah thin thu a sawi bawh a ni.

Tunah hian Primary leh Middle sikul chinah zirtirtu nghet 2,936 an awm mek laiin post ruak 3,296 a awm a, contract, MR teacher leh casual teacher

1,647 an awm thung. Primary leh Middle sikul indaih lohna zat hi 1649 a ni a, P/S casual teacher 234 la leh tura hmalakna awm mek leh Transfer and Posting Rules 2025 buatsaih mek chuan hmun tam taka indaih lohna a tihziaawm beisei a ni tih Minister chuan a sawi.

FIRE SERVICE

Fire & Emergency Services (F&ES) department hmalakna thlirletna hun chu nimin khan Home Minister Pu K. Sapdangan a hmanpui a,

Pu K. Sapdanga chuan F&ES Department chu kangthelh baka an hnathawh pawimawh tak, rikrum thil leh chhiatna thleng thuta an hnathawh chu a hlu a tih thu a sawi a. Ruahmanna fel tak awm lova thang zel, khawpuite than dan mila hnathawh dan ngaihtuah a pawimawh thu a sawiin, F&ES Department chu vantlang tana thawk tur leh chhiattawhnaa hmatheh tur atana sawrkarin rin ngama a rawihte an nihna lai hre reng tur leh he mawhphurhna rorum tak hlenchhuak tur hian mipuite nena thawhhona tha nei turin a fuih bawk a ni.

Hun kaihruaitu Home Department Secretary Pu Vanlalmawia pawhin thu sawiin, F&ES Department chu nunna chan hlauhawm khawpa hnathawhna a ni a, sawrkar hnathawh dan a danglam hret hret avang leh khawvel inlinglet chhovah hun tawn tur sawilawk a har chhoh zel avangin eng chhiatna pawh hmachhawn thei, ‘multidisciplinary, multi-hazard force’ anga inzirtira inbuatsaih chhoh a ngaih thu a sawi a ni.

F&ES Department hnuaiah hian Fire Station 14, kangthelh motor (fire tender) 47 leh kangthelh bike 4 a awm mek a. 15th Finance Commission Grant-in-Aid Phase-I kaltlanga bungraw leite chu a hnuaia tarlan ang hi a ni.

<><><>

MUHCS

Central YMA hruaituten Mizoram Universal Health Care Scheme (MUHCS) chungchangah Health Minister Pi Lalrinpuii hmuin Mizoram sawrkar leh Private Hospital te inremlohna avanga mipuiin harsatna tawh mek chungchang an sawiho.

Nimina an inkawmnaah hian MUHCS chungchanga Sawrkar ruahmanna te Health Minister hian a sawi a, NGHAM nen an inkara thil hriat fiah loh awm te sawifiahin sawrkar chu biak theihin a inhawng reng a, mipuiin an tawrh lohna tura hma an lak mek a ni a ti

Central YMA hruaitute hian mipuiin an tawrh zel lohna tura Sawrkar leh Private Hospital neitute chu inhawng tak ve ve chung a sawiho zel turin an ngen a, mipui tana tha ber ngaihtuaha hma la turin an ngen. A tul a nih chuan Central YMA chu hma la tura a inhawn reng thu an sawi bawk.

Central YMA hruaitute hian karhmasa Zirtawpni khan Private Hospital neitute, Non- Government Hospital Association Mizoram (NGHAM) hruaitute an lo kawm tawh bawk a ni.

<><><>

AIZAWL TRAFFIC

Co-ordination Committee on Traffic Management chuan Aizawl khawpui chhunga lirthei intlanchhawk dan hman mek ti danglamin, kawngpui lian ho ah chauh intlanchhawk tir chhin ni se an ti a, Two-wheeler leh LMV Taxi-te pawh karkhata ni 1 chauh ding tura intlanchhawk tir chhin ni se an ti.

Nimin khan Chief Secretary Pu Khilli Ram Meena, kaihhruaiin Co-ordination Committee on Traffic Management chu CS Conference Hall ah an thukhawm a, heta an rel dan chuan kum 2019 atanga lirthei intlanchhawk kan kalpui mek chu her danglam ni se an ti a, Aizawl khawpui chhung kawngpui - Bawngkawm atanga Kulikawm, Chaltlang Ramhlun, Chanmari, Zarkawt, Dawrpui leh Sikulpuikawm; bakah Sikulpuikawm atanga Chanmari West, Temple Square, Vaivakawm leh Hunthar chauhah enchhin nan thla khat chhung intlanchhawk ni se an ti a ni.

Two-wheeler leh LMV Taxi-te pawh sticker 3 - A, B & C hmanga intlanchhawkin kar khata ni 2 tlan loh ni nei thin kha, kar khata ni khat chauh tlan loh ni an neih theih nan sticker 5 – A, B, C, D & E hman ni se tia rel a ni a. Hei pawh hi thla khat chhung enchhin tur niin, August thlaa kalpui tura ruahman a ni a. Heng bakah hian lirthei tlan loh ni a m-pass hmanga tlan theihna permit pek chungchang ngaihtuah ho niin, m-pass chu essential services tan chauh pek tawh ni se tia rel a ni bawk.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.



MIZORAM RESOURCE MOBILISATION COMT

Mizoram Resource Mobilisation Committee (MRMC) hnuaia Sub-Committee on Tax and Non-Tax chu an Chairman Pu Haukhuma Hauzel hovin a pisaah Mizoram Sawrkara GST tam zawk a luh theih dan tur ngaihtuahin an thukhawm.

Meetingah hian Mizoram Sawrkara GST tam zawk a luh theihna turin Taxation Department thum chak a pawimawh ni a hriat a ni a, a bik takin Intelligence leh Enforcement Wing te tichak tura sawrkar ngen tha tih a ni. Taxation Department lam pawh an work force neih sa ang ang hmanga hna tam zawk thawk thei tura insiam rem tura ngen tha an tih bakah, an hnathawh tichak turin a tam thei ang bera IT hmang tangkai turin thurawn pek tha an ti bawk.

Sawrkara Department hrang hrang, Works khawih thintute pawh sawrkara GST a luh tam theihna tur zawnga hnathawh dan ngaihtuah thin tura ngen an rel a, hei bakah hian mipui ten awlsam zawka chhiah an pek theih nan Aizawl khawpui chhung Sawrkar building hmun remchang laiahte mipuite tan Taxation Department site office hawng turin thurawn pek an rel bawk.

MRMC, Sub-Committee on Tax and Non-Tax thukhawm hian GST registration nei tawh ten tuna chhiah an pek aia tam an pek theih nan te leh registration siam ve lo, kum khata cheng nuai 20 chuang la lut tam zawk ziah luh an nih theih nan nasa zuala hmalak nise, service tam zawk entirnan catering te, picnic spot, resort leh a dangte. GST registration neitu sumdawng te chu an dawr chungah emaw hmuh awlsam theih tura an registration number te tarlang tura hriattir ni se an ti a ni.

<><><>

MAOIST

Nimin khan Chhatisgarh-a Narayanpur district-ah Maoist hel 22 chu sawrkar kutah an inpe. District Superintendent of Police Robinson Guria sawidanin hel inpe te hi sawrkarin an lumanah cheng nuai 37 leh sing nga a dah tih a sawi.

Maoist hel sawrkar kuta inpete hi cheng sing 5 theuh lawmman pek an ni dawn a. Hei bakah hian an indintharna turin an mamawh hrang hrang state sawrkarin a pe bawk ang.

<><><>

NSA

National Security Advisor Ajit Doval chuan tualchhung technology hmangin India chuan Operation Sindoor a tihlawhtling thei tih a sawi. Nimina IIT Madras Convocation vawi 62 na a hmanpuinaah he thu hi sawiin Pu Doval-a chuan minute 28 chhung lekin Pakistan-a bitum tura an ruahmante an kap chhe vek tih a sawi a. India sipaite chuan ruahtham loh technology hmang tangkaiin Brahmos, integrated air command system leh radar te Operation Sindoor ah khan an hmang a ti.

National Security Advisor hian tun huna thil thleng mek chu kum sangkhat dana thleng tluk anih thu sawiin ramchhung thalaiten an hmai a hlahu thu a sawi a. Kum 2047 ah ram changkanga India siam tumna kawngah thalaite chu theihtawp lo chhuah ve turin a ngen bawk a ni.

<><><>

MISSILE

Defence Research and Development Organisation (DRDO) leh Indian Air Force te chuan tualchhung siam Astra missile hlawhtling takin an enchhin. Beyond Visual Range Air-to-Air missile hi Sukkhoi-30 Mk-I thlawhna hmangin Odisha ah enchhin a ni a..

<><><>

RBI

Reserve Bank of India Governor Sanjay Malhotra chuan cheng 2000 tlang chu ramchhunga hman a ni tawh lo tih a sawi. Parliamentary Standing Committe on Finance hnenah ramchhung sum leh pai hmasawn dan a hrilhnaah he thu hi sawiin dan hnuaiah cheng 2000 tlang hi la hman theih ni mahse ramchhungah hman kual a ni tawh lo tih a sawi a ni.

He hunah hian MP te heng atangin cheng 2000 tlang chungchangah zawhna engemawzat RBI hian a dawng a. Tun dinhmunah hian RBI chuan cheng 2000 hi a la ti thi lo a ni.

<><><>